



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓՈԽՎԱՐՉԱՊԵՏ

Ո Ր Ո Շ ՈՒ Մ

N 788 - Ա

ԹՎԱՅՆԱՑՄԱՆ ԳՈՐԾՆԹԱՑՈՒՄ ՊԵՏԱԿԱՆ ԿԱՌԱՎԱՐՄԱՆ
ՀԱՄԱԿԱՐԳԻ ՄԱՐՄԻՆՆԵՐԻ ԵՎ ՀԱՄԱԿԱՐԳՆ ՍՊԱՍԱՐԿՈՂ
ԿԱԶՄԱԿԵՐՊՈՒԹՅՈՒՆՆԵՐԻ ՄԻՋԵՎ ԴԵՐԱԲԱՇԽՄԱՆ ՄՈՏԵՑՈՒՄ-
ՆԵՐԸ ՍԱՀՄԱՆԵԼՈՒ ԵՎ ԹՎԱՅՆԱՑՄԱՆ ԿԱՐՈՂՈՒԹՅՈՒՆՆԵՐԻ
ՁԵՎԱՎՈՐՄԱՆ ՄԱՍԻՆ

Ղեկավարվելով Հայաստանի Հանրապետության Սահմանադրության 152-րդ հոդվածի 2-րդ մասով, «Կառավարության կառուցվածքի և գործունեության մասին» Հայաստանի Հանրապետության օրենքի 8-րդ հոդվածի 2-րդ մասով և Հայաստանի Հանրապետության վարչապետի 2018 թվականի մայիսի 25-ի N 565-Լ որոշման հավելվածի 3-րդ կետի 18-րդ ենթակետով՝ պետական հատվածում թվայնացման բարեփոխումների արդյունավետ կառավարման ու գործընթացների ներդաշնակեցման նպատակով՝

1. Սահմանել թվայնացման գործընթացում պետական կառավարման համակարգի մարմինների և համակարգն սպասարկող կազմակերպությունների միջև դերաբաշխման մոտեցումները՝ համաձայն հավելվածի:

2. Ընդունել ի գիտություն, որ մինչև Հայաստանի Հանրապետության կառավարության 2022 թվականի մայիսի 13-ի N 691-Լ որոշմամբ հաստատված՝ Հանրային կառավարման բարեփոխումների ռազմավարությամբ ամրագրված՝ հանրային ծառայության ոլորտում բարեփոխումների ավարտը պետական

կառավարման համակարգի մարմինների և համակարգն սպասարկող կազմակերպությունների կողմից թվայնացման գործընթացներում, ըստ անհրաժեշտության, կարող են ներգրավվել համարժեք մասնագիտական կարողություններ (օրինակ՝ թվային ճարտարապետ (digital architect), ծառայությունների պատասխանատու (product owner)՝ հետևյալ հնարավոր տարբերակներով՝

1) որպես հիմնական տարբերակ՝ պետական կառավարման համակարգի մարմինները և համակարգն սպասարկող կազմակերպություններն իրականացնում են ծառայության գնում իրենց հասանելի ֆինանսական ռեսուրսներով, և «Հայաստանի տեղեկատվական համակարգերի գործակալություն» հիմնադրամը (այսուհետ՝ գործակալություն) տրամադրում է խորհրդատվական աջակցություն աշխատանքի նկարագրերի մշակման և թեկնածուների ընտրության գործընթացի տարբեր փուլերում մասնակցության միջոցով՝ ելնելով մարմնի կողմից ներկայացված կարիքից.

2) որպես միջանկյալ տարբերակ՝ կենտրոնացված գնման ընթացակարգով ապահովվում է տեղական և միջազգային կազմակերպություններից մասնագիտական ծառայությունների գնում՝ որոշակի ժամանակով համապատասխան կարողությունները պետական կառավարման համակարգի մարմինների և համակարգն սպասարկող կազմակերպությունների համար հասանելի դարձնելու համար: Շրջանակային պայմանագրի ֆինանսավորումն ապահովվելու համար կարող են դիտարկվել Համաշխարհային բանկի «Պետական հատվածի արդիականացման 4-րդ ծրագրի» միջոցները.

3) որպես կարճաժամկետ տարբերակ՝ գործակալության կողմից իրեն հասանելի ֆինանսավորման շրջանակներում, ըստ պետական կառավարման համակարգի մարմինների և համակարգն սպասարկող կազմակերպությունների կողմից գործակալությանը գրավոր ներկայացված հիմնավորված կարիքի (նշելով նախաձեռնությունը կամ ծրագիրը՝ համառոտ նկարագրությամբ, ժամկետները և անհրաժեշտ մասնագետներին), ներգրավվում են համապատասխան մասնագետներ և ժամանակավոր գործուղվում մարմիններ:

3. Ընդունել ի գիտություն, որ սույն որոշման 2-րդ կետով սահմանված մոտեցումներն ու ըստ այդմ՝ հասանելի ֆինանսական ռեսուրսներն

առաջնահերթության սկզբունքով տեղաբաշխվելու են Հայաստանի Հանրապետության կառավարության 2022 թվականի մայիսի 13-ի N 691-Լ որոշմամբ հաստատված՝ Հանրային կառավարման բարեփոխումների ռազմավարության 2023-2025 թվականների ճանապարհային քարտեզով ամրագրված՝ կյանքի փորձառությունների թվայնացման համար:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Մ. ԳՐԻԳՈՐՅԱՆ

Երևան